

Ábyrgð Virðing Vinátta



Síðuskóli

Til foreldra og nemenda

# FRÉTTABRÉF SÍÐUSKÓLA

Skólaárið 2015 - 2016 4. bréf

Kæru nemendur og foreldrar

Við höldum áfram inn í skólaárið og verður ýmislegt um að vera hjá okkur í þessum mánuði sem og öðrum. Starfsáætlun skólans er komin inn á heimasíðuna og má finna hana á slóðinni <http://siduskoli.is/static/files/starfsaaetlun%202015-2016.pdf>.

Dagur íslenskrar tungu er 16. nóvember. Þann dag verður Stóra upplestrarkeppnin sett í 7. bekk og einnig Litla upplestarkeppnin í 4. bekk. Unglingadeildin mun halda upp á daginn eins og gert hefur verið undanfarin ár. Þá munu unglingadeildirnar í öllum grunnskólunum á Akureyri hittast og verður 9. bekkur grunnskólanna í Síðuskóla. Að þessu sinni er þema dagsins Þjóðsögur.

Vikuna 17.-24. nóvember fer hópur unglunga ásamt Bibba, Björk og Siggju Bjarna til Svíþjóður vegna samstarfsverkefnis um forritun. Þetta samstarf hófst á síðasta skólaári og var tekin ákvörðun um að halda því áfram. Við fáum svo Svíana í heimsókn til okkar á vordögum en þeir eru úr Södertörns Friskola sem er staðsettur rétt fyrir utan Stokkholm.

Elvar íþróttakennari mun minnka við sig kennsluna til að sinna doktorsnámi sínu og kemur Edda Línberg og kennir í hans stað á föstudögum. Við bjóðum Eddu velkomna í hópinn en hún er gamall nemandi úr Síðuskóla.

Foreldrafélagið kom, eins og oft áður, færandi hendi í vikunni og gaf skólanum grill og örbylgjuofn til að hafa í matsalnum. Nemendur geta þá grillað eða hitað sér samlokur í nestistímanum. Það verða áfram seldar samlokur í sjoppunni hjá 10. bekk í fjáröflunarskini.

Fyrir ofan skólann halda framkvæmdir áfram í samstarfi við hverfisnefndina. Þökur hafa verið lagðar og kominn er þökulagður hóll. Stígar hafa verið lagðir austast á svæðinu og settir sallar í þá. Lagt hefur verið dren fyrir ofan skólann þannig að nú ættum við loksins að vera laus við að fá vatn inn í hann. Við útigriilið er verið að búa til mön og verður hún þökulögð. Við í skólanum höfum brýnt fyrir börnunum að vera ekki á þessu svæði þar sem nýjar þökur þurfa að jafna sig og svæðið náí að gróa vel upp. Þegar öllum þessum framkvæmdum er lokið verður þetta frábært svæði bæði fyrir okkur í skólanum og alla sem í Síðuhverfi búa.

Það má því segja að hjá okkur í Síðuskóla sé líf og fjör!

Með bestu kveðju úr skólanum

Ólöf Inga



## Nóvember mánuður er tileinkaður

### virðingu

Í Síðuskóla sýnum við virðingu með því að vera kurteis og koma vel fram við alla í orði og verki. Við virðum okkur sjálf, aðra og umhverfið.

Regla mánaðarins er:

*„Við virðum eigur annarra og göngum vel um,,*

Í nóvember á hverju skólaári er kannað hvort skólinn sé að vinna rétt eftir hugmyndafræði SMT. Þá koma aðilar úr öðrum SMT skólum á Akureyri með spurningalista (SET lista) og spyrja nemendur og starfsfólk spurninga um ákveðna þætti í skólastefnunni. Þegar við vorum skoðuð á síðasta skólaári var skorið okkar 96% sem er virkilega flott niðurstaða. Það verður gaman að sjá hvernig okkur gengur núna.

## Á döfinni í nóvember:

9. nóvember	Dagur gegn einelti sunnudaginn 8. nóvember
10. nóvember	Söngsalur kl. 8:10
12. nóvember	Samverustund á miðstigi kl. 8:10
13. nóvember	Þemadagur
16. nóvember	Dagur íslenskrar tungu
27. nóvember	Samverustund á yngsta stigi kl. 8:10

## Danskur

### kennaranemi



Í nóvember verður hjá okkur danskur kennaranemi, Rikke Elisa Petersen. Hún mun fylgjast með kennslu eina viku en spreyta sig svo sjálf næstu tvær. Hún kennir í 5. og 7. bekk en fær kannski að kíkja í heimsókn í fleiri bekki. Við tökum að sjálfsgöðu vel á móti henni.

Ábyrgðarmaður: Ólöf Inga Andrésdóttir

## Hvað geta foreldrar gert til að efla læsi barna sinna?

- ◆ Skapað gott andrúmsloft kringum lestur
- ◆ Lesið sjálfir og haft bækur sýnilegar á heimilum
- ◆ Skoðað bækur og myndir í bókum og rætt um þær
- ◆ Sýnt lestri barnanna áhuga
- ◆ Lesið fyrir börnin sín
- ◆ Lesið með börnunum sínum
- ◆ Hlustað á börnin lesa
- ◆ Rætt við börnin um innhald lesturs



## Læsisráðstefna

Miðstöð skólaþróunar við Háskólann á Akureyri efndi til málþings um læsi laugardaginn 10. október sl. á Akureyri. Þar var rætt um læsi frá ólíku sjónarhorni. Hér að neðan er tengill í fyrirlestur Brynhildar Þórarinsdóttur rithöfundar sem fjallar um mikilvægi þess að öll börn lesi sér til yndis og ánægju: <https://www.youtube.com/watch?v=68INgJ-eC-w>



Í almennum hluta aðalnámskrár grunnskóla frá 2011 er fjallað um mikilvægi þess að foreldrar styðji við skólagöngu barna sinna og taki þátt í námi þeirra. Virk hlutdeild og þátttaka foreldra í námi er talin forsenda þess að þeir geti axlað ábyrgð sína á farsælu uppeldi og menntun þeirra. Foreldrar eru hvattir til að styðja við stöðuga þjálfun barna sinna í lestri og ritun. Foreldrar gegna mikilvægu hlutverki sem fyrirmyndir í málþroska og lestri og við að efla jákvætt viðhorf til móðurmálsnámsins sem og skólustarfsins alls.

### Hver á að kenna barni að lesa?

Að læra að lesa krefst þjálfunar. Það eru engin geimvísindi, en það getur tekið okkur, hvert og eitt, mislangan tíma að ná þessari færni. Hver sem er getur þjálfað barn í að lesa. Það þarf bara að gefa sér tíma og leita leiðanna sem henta hverju barni. Bara að lesa! Markviss þjálfun, skipulagður tími til þjálfunarinnar, jákvæðni, gleði og stuðningur skipta máli þegar barn er að læra að lesa. Það er hægt að gera lestrarþjálfun skemmtilega og það er hægt að gera hana leiðinlega. Fyrri kosturinn er svo miklu, miklu betri. Það skiptir ekki máli hvort lesnar eru íþróttafréttir, fréttirnar um fræga fólkið, texti um ánamaðk eða söngtexti eftir Bubba. Það má klappa orðin, herma, ríma eða jafnvel finna upp ný orð. Því fyrr sem barn verður fluglæst, - hvaða leiðir sem notaðar eru, því auðveldara á það með allt annað nám. Hamingjan sem fylgir fluglæsi er dásamleg. Þá fyrst halda okkur engin bönd í fróðleiksfýsninni.

Samvinna skóla og heimila er lykilatriði. Kennarar hafa ráð undir rífi hverju varðandi lestrarnám barna, en það verður alltaf að vera góð samvinna við heimilin ef árangur á að nást og þjálfunarþátturinn verður alltaf að vera mestur á ábyrgð ykkar foreldranna eða annarra sem geta stutt við þjálfunina heima fyrir.

*Tekið úr bréfi Soffíu Vagnsdóttur fræðslustjóra.*





## Jól í skókassa

Í Síðuskóla hefur skapast sú hefð að nemendur í 7. bekk taka þátt í verkefninu *Jól í skókassa*. Það er Helga Dögg dönskukennari sem hefur haft umsjón með verkefninu hér í skólanum í samstarfi við KFUM og KFUK og umsjónarkennara í 7. bekk hverju sinni. Nemendur unnu saman í hópum, byrjað var á því að pakka skókassa inn í jólapappír. Í kassann voru settar gjafir fyrir krakka á ákveðnum aldri og merkt annað hvort strákur eða stelpu. Gjöfunum söfnuðu nemendur sjálfir ásamt starfsfólki en í kassana fór bæði notað og nýtt dót. Pakkarnir verða sendir til Úkraínu til barna sem búa við slæm skilyrði.



# Myndir frá bleikum degi í október



## Myndir úr list- og verkgreinatímum



# MATSEÐILL NÓVEMBERMÁNAÐAR

Mánudagur	Þriðjudagur	Miðvikudagur	Fimmtudagur	Föstudagur
2. Fiskibollur, kartöflur, laukur, ferskt grænmeti, sósa og ávextir	3. Kjötsúpa	4. Léttbjúgu, kartöflumús, grænar baunir og ávextir	5. Soðinn fiskur, kartöflur, rófur og salatbar	6. Svínakjöt í mango chutney sósu, hrísgrjón og brauð
9. Plokkfiskur, rúgbrauð og ávextir	10. Lasanja, snittubrauð og ferskt grænmeti	11. Ýsubitar í orly, kartöflur, ferskt grænmeti, jógurtsósa og ávextir	12. <b>Val nemenda:</b> Hamborgarar, grænmeti og sósa	13. Þemadagur Mjólkurgrautur, slátur og smurt brauð
16. Dagur íslenskrar tungu Hakk, spaghetti og snittubrauð	17. Fiskibuff, kartöflur, grænmeti, sósa og ávextir	18. Lambasnitsel, steiktur kartöflur, grænar baunir og laukur	19. Fiskur í ofni, kartöflur, grænmeti, sósa og salatbar	20. Súpa, brauð og ávextir
23. Nætursaltaður fiskur, kartöflur, rófur, rúgbrauð og ávextir	24. Píta m/hakki, grænmeti og sósa	25. Fiskur í karrykókosraspi, kartöflur, grænmeti, sósa og ávextir	26. Kjúklingur, hrísgrjón, maísbaunir og sósa	27. Skyr og smurt brauð
30. Steiktur fiskur, kartöflur, grænmeti, sósa og ávextir				